

欽定四庫全書

義豐集

提要


臣等謹案義豐集一卷宋王阮撰阮字南卿
德安人王韶之曾孫隆興元年進士仕至撫
州守特召入奏韓侂胄欲見之卒不往怒使
奉祠歸廬山以終事蹟具宋史本傳阮少謁
朱子於考亭朱子知南康時阮又從遊故集

中有唱酬之作阮之歸也朱子惜之謂其才
氣術畧過人而流落不偶集首有淳祐癸卯
吳愈序謂其文無一字無來處論邊事則晁
賈其倫為記銘則韓柳其亞今其文集未見
所存僅詩一卷蓋傳錄者以全集之序弁詩
之首也劉克莊嘗跋其詩謂高處逼陵陽茶
山陵陽者韓駒茶山者曾幾也岳珂程史稱
阮學于張紫微載其萬杉寺唱和絕句及重

過萬杉寺絕句紫微者張孝祥也韓曾詩祖
述黃庭堅張詩則摹擬蘇軾今觀阮詩驛騎
于兩派之間各得一體克莊及珂所述固皆
為近實矣珂又記阮所作詩號義豐集校官
馮椅為之序是阮詩本有單行之本不知何
以佚去椅序易以愈序也乾隆五十一年五
月恭校上

總纂官臣紀昀臣陸錫熊臣孫士毅

總校官臣陸費墀



國家圖書館, NATIONAL CENTRAL LIBRARY, TAIWAN, R.O.C.

原序




觀士大夫言行當于其大節不顯以文藝也劉禹錫柳
宗元述作雄深法度嚴密發纖穠於簡古寄至味於淡
泊非餘子所及然坐王叔文黨君子惜之士大夫欲為
君子者苟人不已知世不吾以則有致命遂志而已窮
居不損焉乃若俛仰隨時僥倖得志雖有才美不足觀
也已慶元初孽臣竊柄士大夫倚為泰山其門如市吾
邑王南卿先生以著蔡之明冰霜之操未嘗一躡其門

晚與臨川陞辭奏事柄臣使密客誘致之迄弗往見奉
祠而歸優游山間無一毫隕穫意此曾子所謂弘毅之
士歟先生所為文無一字無來處蓋其多識前言往行
以蓄其德而又深於憂患才老而氣定故流於既溢之
餘蘄然出人意表自其省闈三策辭嚴而義偉已不肯
為舉子之文矣厥後論邊事則晁賈其倫也為記銘則
韓柳其亞也其詩如題浯溪碑蘭亭記金山廟之類折
衷古人之得失發越詞令所未言至於感物興懷酬唱

嘲詠筆力雄放皆有深意杜少陵其比也顧其平生大
志欲裨國論扶王室畫心所事以先祖閔則有在彼而
不在此者一不獲伸齎志沒地而以文藝稱于世抑其
土苴云耳愈少之時嘗操几杖從先生游今老矣高山
景行之思猶日往月來于懷也其子旦為邑惠之博羅
其文鉅梓以歸屬愈識其卷首競焉晚進何敢措一辭
獨念前輩典刑之老中原文獻之裔去世逾遠一時出
處大節後生鮮有聞者孟子曰誦其詩讀其書不知其

詩書集

人可乎故為述其槩云淳祐癸卯^夏六月甲子里人吳愈叙



國家圖書館, NATIONAL CENTRAL LIBRARY, TAIWAN, R.O.C.

欽定四庫全書

義豐集

詩

古詩二首

西風策策翻葉鳴
錦機停梭人暗驚
歸心欲附潮頭去
潮頭不肯到湓城

洞庭九月湖水乾
倒影夜瞰星斗攢
水宮簫浪蹴寒玉

宋 王阮 撰



船過兩耳聲珊珊

明妃曲一首

飛塵漠漠風捲沙明妃馬上彈琵琶琵琶一曲思歸譜明
妃淚盡羣兒舞羣兒不道思歸苦更問漢宮餘幾許古
來和戎人似鐵漢家和戎人似雪午窻一抹春山橫萬
里關河不須設燕支寒帳秋復春翠被不禁愁殺又人
生不可無黃金無黃金兮死沉淪明妃也莫怨青塚死
有佳名生有用君不見秦樓當日卷衣女一一空隨宿

草腐

續湖陰一首

王敦稱兵內向明帝微行湖陰故樂府有湖陰
曲然亡其詞也余泊舟湖下誦溫庭筠補亡惜
意未盡因為續焉

上林鳴蛙私邪官金陵指顧成長安唾壺一曲玉如意
聲斷石城鋒鏑寒從來龍化中與主不似黃鬚阿奴武
當時斬鞅心下事今日揚鞭目中虜黃埃散漫重瞳微

雨師不灑疑人知夢回日轉驚已午馬驕風疾那容追
一聲吉語禁門靜萬國笙歌丹仗整山傾海動忽燃臍
地闢天開誰問鼎長江十里真險哉煌煌晉業流秦淮
江濤一洗妖氛息湖陰千古琉璃碧

代胡倉進聖德惠民詩一首 并序

臣竊惟先王盛時大夫從事於外必有聲詩道
其不遑寧處之情而極夫節物之變耳目所接
託興喻物一於心聲發之非以自矜其功也以

為君臣之際天下真情所在序其情而閔其勞
君子之道云爾恭惟陛下康濟懷保如周文王
臣於此時得從大夫之役備使一方敢不激勵
奮發以求不負陛下臨遣之意用集所見與其
所聞因其方言間以俚語稍加槩括比為近體
詩一百韻走驛請通政司投進冀塵乙覽文詞
鄙陋不足發揮至德之光臣則有罪若夫字字
必實言言不誣舉可覆視當堯章煥乎之日犯

狂簡斐然之戒仄身履懣實無所容冒犯天威

臣無任俯伏俟命之至

平楚皆膏壤成湯忽旱年人知聖慮切恩遣使臣宣乙

郊飢荒後長沙富庶全紀年四十載斗米二三錢潭州自紹

興五年一旱後豐稔三十八年縣人煙密村村景物妍朱蹄驕柳陌

金鏡麗花鈿長沙白唐號小長安習此民成懶加之吏

不虔力耕終苟且勸課或遷延綠野田多墾潢池惡未

後曷嘗修稼政但見飾賓筵豐稔時難保盈虛理有還

自應成赤地安得咎蒼天義廩真良法常皇家以備先

積倉何止萬存數僅餘千潭州每歲正苗三十八萬石每石收義倉一斗自乙卯至

辛卯當有百萬石臣於濫以踈庸迹來司斂散權一身到任點檢僅存四萬石

初抵此四顧但茫然奏發常平弊財蒙內帑捐敢云呈

敏手幸免奮空拳薨問奏輸閉專稽稷懋遷陸為流馬

運水作汎舟連凡屬災傷事深將利害研兼并勤告諭

商旅漸喧闐市直雖翔踊官收却痛竭北來因鼎粟南

至出渠船分路招糴廣稍稍收成廩紛紛出著鞭起於衡

米自靈渠出

嶽趾環厥洞庭艑湖北疆參錯江西境接聯里雖十萬
遠身亦再三過必務經行徧深防賑給徧規模頌羣吏
出納謹鄉賢敢避風兼雨周爰陌與阡有時沉水底鎮
日上山巔不復通舟楫寧容坐馬韉屐多穿石反裳慣
濕河孺江步時時到村墟日日穿

楚語以江岸為墟
步村市為墟 救頭

方甚急援手詎辭睚疇昔雖多病馳驅却自痊已成迷
曉夜不復憚山川松逕行時益楊花坐處羶光華雖備
使蕭散類登仙林密花頻剪途窮木可緣石敲行恐壓

溪漲涉疑漩昔出正初吉今經六下弦

以正月出巡
七月還司 奔

忙馳似箭來往轉如園王事歌苞杞歸心却杜鵑力雖
疲險阻志務報陶甄憶昨初行日蕭然亦可憐餓羸皆

偃仆疾疫更牽纏詎止家徒壁多遺屋數椽葛根殫舊

食竹米繼新饘去冬人食葛根
今春又食竹米 略救朝昏急終非肺腑

便聲音中改變形質外羸孱氣蕭曾排骨神昏眼露圈

步歎身欲仆頭禿髮俱卷婦餒心成疾兒啼口墜涎亂

花生目眩炎火亢喉咽裊裊渾無力昏昏只欲眠盡孽

持米手頓削負薪肩將兒已成鬼號呼幾亂蟬獸窮思
曠野魚困想清泉山僻無人到惟驚有使褰初聞爭欲
走稍定使來前爾俗飢雖困吾君施體乾知民方疾苦
遣吏撫迤邐置院收鰥寡分場賑市廛貸糧招復業散

種使耕田

臣常乞以米五萬石依條給貸四等以下戶又以穀三萬石分諸縣借給寒給衾

稠煖

給紙襖

春頒藥劑煎凡今嚴吏責皆是恤民編稍見

兒童集徐看父子牽共爭扶杖聽咸樂置郵傳茶獻迎
門禮香浮夾道煙耳聞身鼓舞心切涕潺湲坐定徐言

此從來未見焉一時愆潤澤萬里奏艱鮮灌溉非無枯
精虔亦有捨畝乾終損粟池涸竟枯蓮詩駭周宣魃經
書魯國蝻坐令民餓餓翻作淚漣漣平日安豐稔今朝
乍疾顛老羸如病馬壯健若飛鳶忽見皇恩沐親馳使
命專聽言初挾纊拜賜悉鳴絃新歲天心格經時雨勢
綿東皋耕澤澤南畝溜濺濺坎豆皆勤作根涯悉勉旃
水耕榮嗶嗶陸種茂芊芊件件絲盈軸方方麥薦籩楚
以種物為坎豆勤苦為根涯指知食動目望酒先擱舍
以足為件以三升為一方

北行歌暢村南伐鼓淵魚占何必夢斗覆已明躔甲子

晴尤好嘉平雪記填自今知歲歲王道永平平撫已叨

逢主占星幸備員耳親聞擊壤手敢廢題牋農事修其

職邦基賴以堅但令廩倉實不慕蚍蜉羶商克周飢止

刑存衛雨愆定知豐稼穡端在講戈鋌足食繫兵法行

粮詠雅篇願陳王朴論一稔遂平邊

王朴邊策一稔可以平邊

上九江唐舍人文若一首五十韻

江左拯南渡潯陽控上流平時稱用武今日更防秋六

代規摹古三江險阨周高憑隆屏翰下瞰握襟喉呼吸
聞吳楚封疆矗斗牛循良渡虎跡神武射蛟遊勝事餘
蓮社風光足庾樓倚天開峻極倒影湛飛浮鼎敗香山
往官輕靖節休義門十世美將業二王優頃歲承平久
斯民習俗修究心依學校服力事田疇獄淨苔荒砌山
深麥掛丘共知忠義篤肯陷矯誣羞不料欃槍起能令
日月幽雲屯滿赤縣天意卒鴻溝郡邑生荆棘江湖識
冕旒竟捐形勢地聚作虎根陬

紹興初李
成盜此

昔許何勝辱

羣生亦暫偷竒功思赫赫內治頗悠悠法令中間弊流

移不可留

經界法行始有交居之弊產去稅存德安一縣歲逃移千七百戶

未經真撫

恤還已困度劉對壘綠淮甸長蛇致悍酋

時亮南侵其臣有欲首取

江州者

雷聲忽天狗旗尾又蚩尤隔岸幾航葦孤城亦綴

游兵戈間耒耜戰舶奪松楸天下雖同擾江西又不侔

宿師惟此地

江南獨此屯戍

履畝倍他州

曹翰守江州獨用偽唐全稅

諸將

紛紛是攸司日日培文符競旁午膏血罄誅求戰鬪連

年永瘡痍幾日瘳孽牙終作梗氣習遂成媮情動穿墉

嵐風行借父耨風俗舊秉彛均物則失德自乾鑿近世

允臨政何人解撫柔帝為輟近侍人喜得賢侯父子文

章偉君臣契分投王言資潤色國事仗謀猷詩似丘傳

鯉書如固續彪鳳毛宜鸞鸞驥種自韉駟增重依蓮幕

尤煩借箸籌折衝皆婉畫賜履又分憂奕奕長江上源

源數路頭若非煩柱石何以鎮貔貅南土驚新事西清

擁碧油春風回野色江月靜簾鈞地借長城望塵清奕

世讎有生皆固結無士不冥搜公下車之始立國須才

用聞公銳意收龍門如可上敢請與荀儔

瑞麥謠一首

淮海宜麥舊矣瑞我聖世疊出濠梁淳熙戊戌
得兩岐者一守臣張士元記其異紹熙甲寅又
得之益以三岐者守臣黃萬石再播頌聲慶元
戊午夏四月壬申牧兒丁道僧越五日丙子晨
者京太各獻如紹熙之數又廿日丙申民兵統
領李道哀雙穗者馳丁夫蔡進以獻多至三十

有八和之至也是歲五穀熟為大有年守臣某
仰體謙制不敢以聞亦不敢替厥事賦瑞麥謠
紀聖治也

稗草化稻疑談空我有異麥真年豐三岐鼎足如爭雄
兩岐劉秀攢眉峰棣華英棠花影重黃雲列陣翻春風
問此厥初何所從塗山之陽一牧童手持足接復一翁
三十八雙來無窮慶元道大天下公漸漸擢芒瑞時雍
不生內地生邊封天以德致驚諸戎周家之始西徂東

彼疆為容此界崇已而率育四海同帝命益自貽年通
漁陽昔當漢之隆亦有此瑞堪形容詠謠不上甘泉宮
私以譽守疑非恭濠梁獻祥不一逢一生二生重熙中
今年分外佳氣濃疆吏豈敢貪天功歸禾擬奏區區忠
仄聞聖德方謙冲班春於郊但勸農諭以種麥莫懶慵
大麥更戒細細春明年從駕巡崆峒此飯要到滹沱供

和陶詩六首并序

古詩不和唐始有之亦未有追和古人者雪堂

先生始出新意盡廢淵明詩彼誠有感云爾隆
興二年余浮家東吳僦居日糴大水入室無所
容其軀妻孥嗷嗷至絕煙火羈旅憔悴如雪堂
之在嶺外而淵明之棄彭澤也由是宦情日薄
而歸志日濃矣暇日讀淵明詩不能盡和也事
類意感輒繼和馬懼觀者不我赦也故序其意
云

和歸田園

皇天亦愛我生我匡廬山
勉承父母志功名期少年
既無取日手遠去窮虞淵
又無謀生才廣有負郭田
富貴兩不諧胡為乎世間
眷言粵原居宛在瀑布前
野曠易得月谷虛常帶烟
行歌紫芝曲醉上香爐巔
念此百年身有此足以間
若乃不決去使彼山悽然

和飲酒

竹門固無鎖俗客自不開
而欲挾彼態使我變所懷
鄉原善同俗於德則有乖
乃知違世人所貴在幽棲
客有

愛我甚命駕來衝泥憐我與俗異欲我與世諧甚知客
言是甚知余心迷淵明飲酒詩廢以遺客回

和乞食

淮陰漂母事不謂身見之長歌淵明詩益信非虛詞余
嗟客長安十載無休期一飽不自足况敢謀酒卮曳裾
富門兒丐食酬一詩達於公卿間喧喧謂余非雖知責
我至終亦無所貽

和貧士

吾聞戴安道不對王侯琴當時豈不能低眉求賞音一
曲朝得聞千金夕來尋捨之不肯顧輕重得所斟小人
一時快君子百世欽貧士繫此辨士乎當正心

和雜詩

遑遑行路難汲汲艱食迫井田邈不再兼并蔽阡陌永
懷先父祖遺我以清白出門無所容疑此天地窄秋風
瘦遙山涼意愜行客江南記舊遊不歷歧王宅

又和

淵明棄彭澤歸與在柴桑我里亦其側俯視世糝糠顧
瞻無所憂所憂在絕糧敢辭躬耕勞來耜山之陽惜哉
命之窮仍歲螟賊傷去為游手民足迹已四方拂衣却
歸去焉用祖離觴

陪晦翁登妙高峯一首

子崖盤屈曲一塔聳空濛他處只山好此中兼水洪縱
觀疑犯斗飛上覺凌風常恨天難近今朝路已通

送晦翁十首

精微元不在河汾原道辭雄亦淺聞自得正心誠意論
始知天末喪斯文

餘

淵泉溥博與天大土苴緒聊覺氏千古濂溪好風月良
一回拈出一回新

武夷山下孤高節五老亭中撫字心出處本來無二致
詎分鍾鼎與山林

靈臺一似大圓鏡研醜自分吾不知秋收春生天道爾
先生喜怒一何私

去年民食十分灾一力先生盡救回今日手攀轅下者
人人都是翳桑來

移苗時節雨連天白水青苗滿大田天啟先生歸去後
故留遺愛在豐年

忌口年來積漸除君王方信是真儒稍移全活一州手
再使江西十郡蘇

白鹿堂中巧鑄顏天留一派在廬山它時沂水春風裏
笑我於中獨自頑

糟粕從來空自忙
筌蹄今幸得師忘
明年重叩韓門去
拈出胷中一瓣香

平生自謂此心剛
不信離樽可斷腸
今日江邊兩行淚
更無情緒折垂楊

同張安國遊萬杉寺一首

寺有昭陵御書

昭陵龍去奎文在
萬歲靈杉守百神
四十二年真雨露
山川草木至今春

重九再到張已隔世
書詩碑後一首

碧紗籠底墨纒乾
白玉樓中骨已寒
淚盡當年聯騎客
菊花時節獨來看

六言一首

秋色染成碧水
夜涼瘦落青山
樹頭宿鳥歸盡
天外行人未還

避暑烟水亭與王景文回文聯句一首

顏舒且對清樽酒
景文畫永方濃翠幄陰
南環珮響溪寒

浪急景文畫圖藏谷繡
烟深班生石潤苔
紋亂南碧度雲

飛鳥影沈文景間
館透風來迴野
鄉隔林斜日轉疎林

景文

虛飄飄一首

虛飄飄雪花逢日照
柳絮入春搖腐草
偏浮屋游絲織
綵綃老蚌三更光
射月風鳶一片紙
干霄虛飄飄比人
富貴猶堅牢

滄洲閣集句二首

滄洲有竒趣

劉禹錫

吾道付滄洲
杜樹影中流
見

張祐船

燈照島幽

司空圖

轉思江海上

王介甫

却著土山頭

涉野水

無人渡

冠美公

乘桴學聖邱

韓退之

洲島驟回合

謝靈運

冥冥菰蒲中

王安石

清流中落鳥

張祐

渚有歸鴻

謝瞻

水作青羅帶

韓退之

脚踏赤鯁公

蘇東坡

蓬壺

雖遼絕

李白

長嘯激清風

左太冲

新昌書座右屏一首

私罪不可有公罪不可無退作陶淵明進學何易于但

願列循吏寧甘為鄙夫禍福置不問吾民其少蘇

新昌留別一首

奉命誅求下戶貧抗章懇白上官嗔與其重斂毒千室
寧以深文終一身吏務循良邦有賴士雖貧賤氣宜伸
空烟亭下桃花水好送扁舟欲去人

龍舒朱獻賓主漢陽簿棄官以歸予亦不合丐去
為賦一首

浪作鸞棲去驚隨鶴怨還無心漢江水有節皖公山此
事真堪話諸公寧厚顏嗟予亦興盡昨夜已投閒

題靖節先生祠一首

督郵行縣先生去之某始未喻以為接之或可
同寅烏在未見遽謂小兒去之哉晚得一邑親
見羣兒挾權規利難與為仁而後敬嘆先生何
其辨之早也夫薄則固其資傲而有所恃昂昂
而來以督郵則非尊彭澤則為客知今之賢不
能以禮先之坐待其迎責以東帶傲薄倍矣欲
其同寅難矣哉斥之於未見之先避之于未辱

之始至矣先生之明也且督郵瑣瑣以議為也
獨惜郡長用非其人卒使銜命者負擠賢之辜
出令者貽同惡之誚一舉而賓主交訛焉非類
聚乎流弊千載凡一小吏出必以迎謁責人吏
多患失竭民力以奉之先生恥之某亦恥之乃
賦歸公來以彰立懦時淳熙七年六月二十五
日也

先生新布政誰遣小兒來爾面何須識其心端可猜有

名高日月無力救氛埃百世千秋後聞風亦遽回

昌國偶成一首

諸邑皆山可夜馳海中昌國力難施風潮阻渡由天地
期會申嚴限日時願以老身從此免漫將人命逼諸危
蛟門山下須臾死肉食諸公知不知

留別昌國五首

妄意絃歌學子游迄無三異比中年叮嚀今夜東風雨
添起潮頭急去休

全家雖脫海波危
舊治無人咏十奇
孤奉明恩顏似甲
却喚兒女笑嘻嘻

三山月淡白銀闕
九老春閒紫石宮

出十洲記
此去能爭幾

許地恨無仙骨到其中

當時底事乞身歸
萬物何曾與我違
最是臨行更腸斷
海鷗猶自掠船飛

扶桑曾見日騰空
老去歸田不復東
一覺短簷他日夢
起來惆悵晚窻紅

昌國秩滿次陳糾祖行韻一首

昔之督郵逐彭澤今之督郵眷昌國不令自賦歸去來
更以新詩祖行色開緘墨濕雨濛濛細讀字字含清風
塵埃三載足昏塞一聽妙語還醒鬆持歸柴桑有茅舍
揭之其間作佳話非惟可說陶淵明亦愧當年督郵者

題四羊圖一首

三百維羣世不見乃以四羊為一圖人言此圖出韋偃
不知韋偃有意無巖巖參天一古木下有輕萸滿郊綠

雪髯隱約黑昏中
沙肋微茫筆端足
昔聞韋侯畫馬工
杜陵長歌歌古松
孰知畫羊更如此
世間絕藝誰能窮
蘄春太守好事者
珍藏有此希世畫
嗟予得此雙眼明
此一轉語久難下
三年遊戲若草茵
一羊輒登枯木根
安得添我作牧人
為公鞭此一敗羣

白楊花一首

天河秋來有時見
秋江人去無還期
南風北風日爭吹
三十六宮空淚垂
塞鴻已作隨陽去
社燕寧論故巢住

安得胡越為一家春風來訪紅桃花

題東林一首并序

遠公示寂識記曰後七百年當有肉身大士華
吾道場晉義熙十二年八月六日也元豐三年
先襄敏公請於朝照覺總公崇成法席中燼野
燒今復一新敬賦古風仰致讚嘆

屏迹敷淺原注目香爐峯飽聞送客溪鼎新古梵宮緬
懷結社人豈止避俗翁一念薰戒香千年仰玄蹤蜂房

始義熙鳳歷當元豐果有大士出一與遺言同堂堂照

覺師赫赫裏敏公徹彼毗尼藏揚我臨濟宗元日立成佛

玻日僧中龍少林來於西雙林振以東冥數其理暗野

野燒中宵紅天遺真道人夜役衆鬼工幻出羣飛簷化

成雷吼鐘神運儼若初佛法豈有終余生慕真乘願力

愧祖風再窺拈花座駭嘆折草功請續香山堂老此平

臺中白撫生池蓮青友夾澗松永叔不出門寂照涵虛

空

館娃宮一首

相傳吳王故宮

釋越來妖艷窮吳事
儻遊笑談遺廟社
繪扇及山丘
宿離宮
瓦龍移別涌
舟楫陳金制
巧牀瑩玉光
浮破雨
驚楓落
馳烟入
虎流
蕙羨摘千里
荷蓋擁長洲
緩緩花
開陌
彎彎月照州
輕風香
逕煖
微步
櫺廊幽
紅喜
鱸堪
切黃
嗔蟹不收
池痕
測朝夕
鄉思
屬溫柔
祇顧
山銜日
何知
餌帶
鉤味
於重
處滅
心記
捧時
謀鯨鬣
翻溟
渤金星
犯斗
牛六千
君子
銳二八
國人
憂泰
伯三
稱讓
姑蘇一

戰休共沉那有井獨墜苦無樓人去扁舟遠僧來野寺
修宮烏今駭散臺鹿任鳴吻月為瓊欄暗山含翠黛愁
燭殘新別淚泉咽舊歌喉一代仇人事千年壯士羞東
門抉眼在怒氣溢潮頭

丙午寒食題淨土寺一首

方見繁紅繡小園已隨流水渡前村人於醺醖真無分
雨共鞦韆似有冤投老故應諸事懶問春能得幾分存
不須便作忽忽散更把松梅子細論

再題用前韻一首

十年不到此祇園又為岐
即暫出村犬認行蹤
增踴踴燕增離恨苦埋冤
鬢邊但覺新絲長壁上
惟餘舊墨存但問桑麻
添幾許世間萬事不須論

洞庭題詠十一首

大湖

微生已覺漸休閒
老矣何心世路間
盡把蟲魚束高閣
且挈雙漿泛湖山

林屋

玉柱金庭鎖洞天更將琳館鎮山川
碧簷委地剝風雨不賜錢來今幾年

仙壇觀

壇有朝真松

羽蓋霓旌入絳霄偃松長向古壇朝
我來欲討金丹訣試著枯槎上斗杓

宿靈佑觀謝沈君并引

聞林屋之勝久矣客姑蘇四十年欲至不可

得紹熙辛亥歸自寶陀山始遂此志山在太湖中意其一島耳而岡重嶺複四野廣袤鷄鳴犬吠中設井邑道宮佛剎鐘磬相知應接不暇莫知所適沈君伯仲一見頃蓋相導以留意色不倦乃得遍歷昔王逸少在越常欲一至閩嶺竟以事奪故前輩山水遊放之樂為人生難必之事自今而言不亦幸乎為賦二詩略紀所見以謝二君焉

鳳翅出滄溟

海船過風順則正張二蓬謂之鳳翅

扁舟過洞庭銀河萬頃

白螺髻兩山青
凡隔幽虛洞神傳
嶽瀆經不須尋上界
只此是青冥

水遠通天上山浮似海中
四圍銀色界一簇畫屏風
秋熟漁樵市雲連佛老宮
我來迷所指多謝主人翁

龜山釣魚臺

鬼力人工劈石開水邊
因作釣魚臺若為未有巖光到
留得絲綸待我來

廣福上真宮

水色碧滄茫山勢青周遭壯哉杳眇峯據此第一高蕭
梁古道場歲月湮蓬蒿有來天師孫遠與朱葉曹一年恚

力營萬瓦一手操連薨集紫烟開窻俯洪濤枸杞號十

年夜鶴鳴九皋坐令金丹爐安此神火熬英英文章伯

所至禿千毫何此老鍊師不著袞字褒

謂范石湖於我
此獨無留題

汎重重湖歛得片片桃深窮草迳來敢憚足力勞其徒

以為恥謂我不可逃試補華黍詩妄意續離騷

橘園

外貌千層綠中心一暈紅
封侯吾不願頗羨木奴豐
懷歸空有感包貢則無因
跳入商山去添予作五人

水月院

秦印承遺恨滄浪足勝遊
一篇水月記照徹五湖秋

小湖寺

去年禱雨旃檀林慈雲賜我三日霖
今日包山小湖寺更得因緣禮大士
小湖氣象似寶陀怪石列岸騰嵯峩

近山一抹橫脩蛾遠山點滴浮清螺四方上下皆滄波
清秋一片銀為河風平如鏡著水磨有時粼粼緯碧羅
傾覆變動一刹那蟄雷震起千蛟鼉吾聞天形象雞子
大地為黃白為水太湖沉沉九地底小湖絕頂懸崖裏
信哉山澤通一氣激而行之或可使湖山固是人所樂
至人亦復酷愛此浮海而來開精籃蓮以草化紅臺三
願分一枝入西土令我滅度生其間

洞庭留別

嶺松歲古欲無根
水石秋深未有痕
無限好山將不去
又依帆影過前林

題瑞昌藍田寺覽秀軒一首

無心軒冕難招我
到眼雲山輒起予
不必凭欄更清賞
此身原在此山居

陪陳師登孺子亭一首

未上滕王閣
先登孺子亭
朝廷黨錮傳湖海
少微星獨善非忘世
高風自有靈
東湖山上色長為此人青

上巳日雁汊阻風呈宋彥起一首

往來定是一年一時節長逢三月三天氣未佳宜且住
樹猶如此我何堪花飛與客渾無興酒好招人只自慙
安得惠風和暢景與君方擢看淮南

長風沙次宋文韻一首

已將身世等河沙又泛春江看浪花錦纜牙檣君送酒
蓑衣蒻笠我浮家淹留日覺青春暮飄泊風兼細雨斜
安得崑崙能探水試教來奏小琵琶

投周益公三首

余宰新昌日丞相周公東閣君綸為征官姓名
姓聞于公當是時公方炳用不欲往見其後南
北道阻且長御李識荆此望絕矣慶元二年偶
因督運道出廬陵公方釋位放意綠野而某吏
役適相值豈天以此行從人欲耶奉投小詩三
首

洛中九老後林下一人閒
蘇篆易鐘鼎泉聲先珮環
禪

從止水定詩挽正風還却為午橋惜惜無螺浦山
有錦雖當畫無心侈賜銘筇拖雲際綠箬戴雨中青國
老甘鄉老台星復客心不須添入畫麟閣自圖形
公相昔宜避公閒今可從分無先覩鳳情有後凋松一
瓣今拈出三熏敢不恭誰書御李事為我贊登龍

瓜特有感一首

籬邊方對菊花黃又報文移出草堂三宿敢云桑下戀
四翁終願桶中藏泉縈去路常低咽酒向離亭不肯香

聖代多才馬用我
明年重上乞身章

有感再作三首

出去夢中事歸來酒後醒
外貪垂老佚中樂放心寧
花氣窻前入禽聲枕上聽
自憐無此分明日又飄零

頓覺衰殘甚難勝
委寄隆驚惶牛喘月
悵望馬依風忍看丹爐壞
終憐蕙帳空明年花慢發
待我轉來紅

石壁連綿靜松風自在清
只知有此樂不謂老于行
室

鵬從何入山猿累爾驚
回天誰有力祇願作淵明

次陸務觀韻寄王景文一首

時張丞相薨

朔風搖楚水國步益艱辛
往事忽成夢遠人何日臣
今天下士皆昔座中人
此望中原地縱橫淚洒巾

訪晦翁不遇一首

陳良千里赴周公正值商山去
一鴻腸斷膝行來處路
舞雩空過一翻風

題武夷冲佑觀一首

九摺端溪九摺山
玉簪羅帶互回環
若為脫得紅塵網

來結踈筇一兩間

都下病起呈王樞密一首

不解彫蟲賦，遂貧又無饒。
古論錢神遭，逢此鬼今翻瘡。
零落吾生有限身，舊學試溫渾易忘。
新書欲謹自難真，時危壯士乃如此。
為報堂堂有位人。

龍塘晚遊一首

五湖千里吞昊天，館娃宮殿何悠然。
銀山鐵壘挽不動，萬丈夕陽如血鮮。
野人固陋元不識，光茫奪眼眼無力。

長安路遠人不來，信道舉頭惟見日。
煌煌大德千載期，赤帝之子張赤旂。
歲寒水冷自可畏，豈必夏盾同冬衰。
馮夷舞歸驚且悅，幽壑沉沉忽金闕。
媚川謾道水含珠，照水詎誇虹貫月。
何處扁舟飛片帆，中有西子輕紅衫。
想像玉顏人不遠，杖頭星斗寒相參。

謝趙宰拜襄敏墓并留題二首

并序

惟先襄敏公受知列聖神文之時，學古入官獻
太平時制書名在第一，裕陵伐叛受命西征闢

國萬里全師獨克百年夢奠丘墓幽遠無有知
者知縣趙公多識前言往行獨深知之奉詔出
宰實部九原乃因勞農特柱三步畫尊賢之意
存追古之心風示諸侯事關政教非特先烈感
遇而已某不肖既獲躬執耒耜被撫田間又獲
奉承薦酬感泣墓下敬賦二詩跪謝下執

班春故事亦年年公獨推誠遠布宣麗日借黃催麥壠
惠風吹綠散秧田衆魚入夢蓑衣下異雉飛馴桑蔭前

好詠千竒歸樂府聖朝方採下民篇
河湟人去鎖春蕪三步遙勤一束芻盛事發揮千古烈
英祠噓動百年枯故家不落今朝遇此段孤高近世無
地下結成無限草待公肅甲破幽都

讀浯溪碑一首

浯溪之頌士大夫高之與風雅並行三百年矣
參政王公之望始謂文簡詞費而紫薇舍人范
公成大更疑其體與三頌戾論者譁然以余放

之二公評文爾未正結之失也謹按春秋為尊者諱諱之為言忠於所事云爾魯娶同姓孔子諱之以明臣子之誼今靈武之事唐所宜隱也而動輒訕焉始兩京平冊告宗廟稱嗣皇帝顏真卿曰上皇在蜀可乎其文放生池碑也中言問安視膳不改家人之禮以愧肅宗結其同志者也相與大書特書亦異於夫子矣且天寶之亂明皇既棄厥位父老遮道請留太子幸人心

未厭唐爾使二子而執史筆尤當婉而成章為
尊者諱今乃出位倡言必曰至德改元不以正
則有伯夷故事不食其粟可也委質為臣退而
後言難以欺識者矣

魯惡吳同姓唐嫌肅撫軍仲尼諱不語元結謗放文子
固當承父臣其可訕君空令忠義士歎息異吾聞

蘭亭一首

并序

晉寧遠將軍王公逸少始以咸康六年為江州

刺史愛廬山紫霄峰居其下墨池在焉今歸宗
寺是也永和六年徙為會稽內史畫十一年然
則蘭亭之集蓋公在官之日也時晉政不綱春
行秋令書曰天朗氣清得春秋之旨矣蕭統不
悟不以入選坡公云拙於文而陋於識莫統若
也其斯之謂與某家世九江視公為遠祖因過
亭下尋訪遺迹莫知是否敬賦小詩以明公志
金行中否野多遺越禊諸賢不受羈天朗氣清書上已

春行秋令紀當時九原寂寞不可作一水縈回或在茲
歸去廬山定相問為公闕報紫霄知

送沈侍郎二首

猷納論恩玉笋班間因忠謹忤龍顏一朝錦水連江水
萬里河山與汴山道大可能忘濟世名高那得鎮投閒
天教一似蘇門下先到筠陽却詔還

重入修門已有期趣裝聊此着征衣帝思宣室名儒對
人喜元都舊客歸高節不難全晚歲亨途未必盡危機

願公且為蒼生起莫向茗溪戀翠微

次韻范石湖北憲書懷一首

驕陽重鬱結涼飈驚豁開排戶始奔突轉隙少徘徊仄
聞風伯言敬為邦君來邦君著之詩快吾心已灰獨念
暑耘人斯時若為懷所願均此施醒然與之偕有水何
心漿有瓮何心醅莫吹天上雲要洗田中埃高枕謝北
窓披襟笑登臺伏讀旨意大倍使吾容齎

用太白韻贈報恩南老一首

上人片雲孤賤子亦萍蹤南枝同社蓮千歲後凋松今年九華山去年五老峰江南好風景但願長相從

次韵酬李周翰一首

大江固茫茫一葦即可越鄉來江與蘄孰使我輩隔温
温李夫子粲粲謫仙格蕭然一竹闔白眼謝俗客蚕充
觀國賓百中應百發我玉當自良彼怒輒反掇歸嘆儒
冠悞盡把氣習撒收藏萬火燭不受一夫決纍然駑馬
中倍覺驥騏別嗟余偶傾蓋辱許共映雪快哉生平心

清風濯執熱今惟仄席秋正採鄉評月豈無識真人識
君此奇節春雷震一聲指日看甲坼

廬江道中二首

處處雲山異時時氣象同官程嚴有限王事穴無窮晚
色烘西日霜威釀北風人生真夢幻底用苦怱怱

老大添身倦飄零減性豪路塵知旱苦山瘦覺秋高苦
有持衡分漸無汗馬勞九原如可作公瑾笑吾曹

題嚴陵釣臺一首

并序

題釣臺多矣大槩高之爾未有明其志者也光
武既定天下深懲王氏之禍原於張禹孔光之
流故昔之所謂坐論者一切吏之時或叱咤候
侯霸等俛首而已先生道高千古豈能堪此雖
以禮聘不以禮答項枕臥語又從而躡踐之使
知己之不足驕士卒不可留古語云使麒麟可
係而羈兮豈云異夫犬羊此則先生之志也其
首陽之流乎為賦小詩以發千載一笑

西都庸庸生禍胎東都切切繩公台平生故人若畏辱
坐定白雲那肯來沉幾深畧滿帝腹且憇先生一雙足
使知天上麒麟兒不似犬羊甘豢畜渭濱老叟不自持
為人人以鷹名之豈識桐江一竿竹依舊秋風魚正肥
古來賢者亦避世往往適逢天地閉得如建武亦不惡
又值首陽難降志山水陰陰江面寒此天別在壺中寬
幾曾流出桃花去寶氣自駭人間觀當時不願世知己
稱到於今却如此塞馬得失天好還千駟齊侯不窮理

禹穴一首 并序

昔鯀治水沮陳五行至禹繼之天錫九疇得於
龜負儒者紀述詳矣至遁甲開山圖乃謂委宛
之神奏玉匱之書十二卷禹未及持其四入泉
其四上天餘乃圖也用以治水已乃緘之洞穴
而道家者流謂為靈寶玉札符經就使有之按
黃帝玄女兵法載黃帝有負圖之勝六甲陰陽
之遁藏之會稽之山坎深千尺鎮以盤石又似

非禹緘之抑禹之緘者又非此書耶


綠綠煌煌錫禹疇厥初
龜負即天休轉為玉札符經論
果有書藏此穴不

禹廟一首

萬世衣裳脫介鱗一祠寧足報恩深
長教天下江河順如慰胼胝手足心

禹陵一首

禹駕黃龍入九霄空山應有百神朝
翠微不用熊羆守



乞與遺民共採樵

寄題識堂一首

山體如如即我身
眼高纔是箇中人
錦囊忽上玉樓去
誰復如公更識真

題龍寺一首

傍石尋幽徑
窮源得梵城
塔光侵地發
龍氣逼山清
是處吾老何年遂
此生霜林知客意
一夜戰秋聲

出郊訪洗洞主一首

料擬塵埃暫出郊一藤先訪羽人巢風翻翠浪催禾穗
秋放殷紅著樹梢萬里家山懷五老十年活計却三茅
明朝便好乘風去不學浮屠更打包

瀑布二首

吟咏瀑水衆矣大抵比况爾未有得於所見鑿

空下句為興詩者太白獨曰海風吹不斷江月

照還空氣象雄傑古今絕唱而疑是銀河之句

亦或比鳥戲述二篇興比各一

造物小兒不任事一天元氣從淋漓雲中雨降自應爾
山上水行誰激之幽林洶洶虛籟作赫日粲粲寒光垂
謫仙獨步得興體此外篇篇俱比詩

萬仞千空不可攀天將飛瀑掛其間一雙塔玉塔倚絕
壁兩道白雲騰半山覆器以歌嗟魯廟設瓴而建笑秦
關春風一卷出山去萬里青秋抱甕閒

曹娥廟一首

英哉神女此汗干德與餘姚舜一般碧草淒淒埋玉冷

清風凜凜蟲天寒求生古忠為仁害誓死今知得所難
我自徘徊不忍去非干潮小故盤桓

題高遠亭一首

小携樽酒作清遊行到方壺最上頭山在斷霞明處碧
水從白鳥去邊流苦無妙計窺天巧賴有名亭慰客愁
從此江南添勝景未應獨數庾公樓

過東竹弔沈文伯一首

苔零雖幽事燕雲亦壯遊寧虞就日館不返渡淮舟死

節十年在私家萬事休重來聯句地清淚接溪流

次韻庸齋納涼一首

招提竹鑰不曾闕容我追涼突兀間石甃陰生寒水玉
天燈爍散火雲山葛巾當畫何庸脫葵扇非秋却暫閒
所愧岑參聊爾耳強將詩與少陵班

彭澤道中二首

世路日益險道根終自深因勞踏石足倍起愛山心地
冷雪常在歲窮天更陰今宵投宿處知度幾層林

茲日定何日前山連後山吾曾凡事懶此去幾時還復
辟尚英爽棄官真等閒異時懷二子惆悵此山間

溪山堂三首

地勝年年別人間事事幽水流縈檻角山奮入簾鉤舊
好空馳馬新盟但狎鷗故人皆得路何日共茲遊

出去真危道歸來適醉鄉田分禾穗合江落木陰涼旋
極隨心濶洞壺入夢長一從輕卓魯方悟有羲黃

簷敞祛紅日窗虛挹白雲水痕一雨失花氣午風薰寂

寂心無事紛紛耳不聞只須添道力底用戰魔軍

尋真觀一首并序

唐蔡真人乘鸞處蓋五老峰側九疊屏下也記
云詠真洞天在龍潭底

鸞昇天上五峯青龍住山中九疊屏知有洞門藏水底
倚闌吾欲跳青冷

延貞觀一首并引

唐女道士李騰空葵科簡乘鸞處也騰空李林

甫女故太白詩羨君相門女學道愛神仙

偃月堂成竟斷棺
真人只葬衣冠浮雲眼見成雲騎
不似抽身穩跨鸞

挽張舍人安國四首

天上張公子人間第一流
浮雲狝覆座愕夢玉成樓草

蔓湖陰宅松封曠口丘
忠魂招不返欲問楚江頭

志氣周瑜俊謀謨賈誼嘉
早先天下事士共服驥中驂

瞬息桑田改傾摧嶽柱斜
傷心大手筆零落紫薇花

忤世無知我知音獨有君時陪文字飲議殄虎狼群未
脫雲間戍先修地下文天心終吞此不復更從軍
近別逾旬朔俄傳訃問來初疑餘子謗漸沸使人猜竟
作青黃未終成怨怒雷數行哀淚盡吾憶獨憐才

池陽道中一首

日月狂風裏悠悠小艇還遠身衣帶水堆眼劍鋸山歲
月吾生老烟塵客路難一天霜氣重今夜碧蘆灣

江上一首

蜀馬秋來健吳儂水底藏
荻花江面冷草色岸頭荒
揚子真天險淮南盡日忙
邊隅今夜甲吾願莫飛霜

泛舟一首

雪川荷葉浦彭蠡石榴頭
此地皆竒絕平生所爛遊
從來貪水國老去只漁舟
更有乘桴便何人從我浮

雲居還值旱懷舊游寄楊文仲二首

憶扶湘竹杖共叩趙州關
山好不容住水流今載還
却從天上下似出鏡中間
笑問楊夫子何時再得閒

四野盡龜兆一天常火雲夜涼清似水晝旱氣如焚龍
懶渾無用天高寂不聞我無田可慮只慮衆紛紛

郊居即事一首

涉世足悔吝杜門安退藏謗從閒處省樂向靜中長
薜荔日緣壁琅玕春透牆近來無事作渾以醉為鄉

謝張安國相過一首

元戎驅小隊來赴野人期山靜傳呼遠風輕游賞宜飛
羅穿杖履芳草煥旂旂好借絲綸手雕鐫一小詩

宿淮南岸一首

一昔淮南岸兩旬楊子江山川摠極目天地偶為邦竟
日師虞老何年敵自降心知除是月夜夜照蓬窓

贈尹氏子一首

并引

尹氏有俊子當代貴游多贈以言勉勵期望必

曰祿位南軒先生獨曰無以利欲誘之因贈小詩

有兒聰慧了群書底用金門與石渠幸甚先生矜小友
一言端以正其初

南至日呈詹司諫一首

消息盈虛理甚明
積陰盡處一陽生
孤根莫厭風霜甚
昨夜春雷圻申聲

入山遇雨宿開先寺二首

擺落塵埃步入山
與僧相對澗句間
鶴林却笑題詩客
只得浮生半日閒

雨漲泥痕卒未乾
斷橋無策濟歸鞍
山靈有意留儂住
不作尋常俗駕看

龜父國賓二周文同遊谷簾三首

偶然得意挹珍流二妙欣然共勝游
惟得坐間無俗語
谷簾泉水建茶甌

萬斛跳珠撒一空
水晶光透影玲瓏
籃輿不是歸來早
安得携瓶到此中

一飲清冷體便輕
絕知真液是長生
歸來世事都忘盡
惟記白雲堆裏行

寄鄭器先一首

與予如兄弟為人痛疾仇暫時離別去且欲謗讒休敢
謝秦方瘡深知越共舟少須三迤就他日再追遊

冬日見桃一首

梅意猶藏萼桃腮已放花地疑時候惡律恐統元差寒
漲漁舟水春明道觀霞老來無賞玩癡坐惜年華

游洞霄宮一首

洞天若限仙凡路九鎖前山不易尋尚有匡廬山下客
玉皇恩詔與登臨

鐵柱觀一首

西晉旌陽令南昌鐵柱宮人間依道庇天上擢陰功江
靜蠻夷漲爐存造化工我來如有過舉袂欲凌風

九日有感一首

舉國無人分智囊滿川龍血戰玄黃百年馴致文明地
一日盡為荆棘場關輔渴思王鎮惡蜀人獨喜杜黃裳
小臣試草中興頌準擬還京奉上皇

和戴倅韻寄苗侯一首

靈壁歸師憤已平
黃河戎役又虛聲
人言萬事總由命
天設五材難去兵
國有典型元老在
地無形勢大江橫
西風若得淮南信
煩致空山慰客情

八月過西林一首

似應沙鷺有前期
裝點秋原景最宜
落雨敗梧隨沆瀣
牽風寒藻舞淪漪
流旋碧玉渠初滿
剝盡黃花稻已衰
海裏是非休惱苦
不如學取步兵癡

蓬屋一首

長簷千尺庇堂東
疎漏從來盡是蓬
日影碎如秋葉下
雨聲洒似夜舟中
竹因蠹盡多隨地
箬到枯時半掩空
此處想非人所競
衆雄應是不來攻

詹林宗携文見過一首

疇昔吾詹子文章已足稱
近携新作至遠比舊來增
迅洒行行雨清嚴字字冰
桃花春浪近坐看九霄鵬

佚老堂二首

洛中九老後林下一入高
此去自當使向來誠獨勞
東

湖歸踐履南浦薦風騷尚念胸奴在家山未可褒
擺落鈞衡地追尋汗漫期馬閒無用處甌玩不驚時人
朴山林古天全日月遲可無劉白伴時獻午橋詩

早春示陳元達一首

北陸藏冰後東風入律和梅因三弄少麥賴六花多簪
盍思喧馬燈遊羨闌蛾躬耕吾不倦其奈沒田何

余門羅雀久矣今日池內有鷗戲為小詩呈叔夏

一首

門冷人誰到機忘物自知
舊來羅雀地今是狎鷗池
身靜紅塵遠心閒白日遲
本來無事說拈出戲為詩

宿五步港一首

兩岸各風物四年三往還
舟中五步港雲外九華山路
遠虞衣闕囊空慮食難
大江吾隘爾天地一漁灣

出豐城一首

搖搖旌旆出洪都
彌望田疇總廢墟
羸馬不前身突兀
耕夫相視笑軒渠
倚松茅屋斜開徑
近水人家半賣魚

蒲葉向冬猶未割
臨風遙憶路溫舒

宿祖印寺一首

下馬杉松石徑幽
暗泉一帶抱山流
長廊隱隱丹青古
香霧濛濛日夜浮
缺月有情還委照
羈人無語獨登樓
急呼老瓦招呼伯
為寫胸中萬斛愁

投吏部汪書一首

銓選仍多弊
今年得偉人
衣冠歸藻鑑
草芥倚陽春
冢宰天官貴
山公啟事新
請收才傑士
預作鳳池賓

遊三峽一首

玉淵真水府三峽跨長虹
萬斛鎔銀瀉千槌戰鼓雄
倚天危石立透地密泉通
四海思霖雨龍溪久在中

訪子虛不過二首

曉入千山與萬水白雲深處歛幽關
仙翁不許凡人識
走出紅塵不肯還

寄范石湖五首

殊庭詔祿佚忠勤秘殿升班寵舊勲
試向午橋諸第問

有誰別墅得奎文

銀山鐵壘洞庭秋
又見鷓夷一葉舟
且是雲仍高一著
祇將山水事清遊

湖山奔轆黛眉攢
湖水晶瑩鏡面寒
補袞之絲元未盡
西風吹上釣魚竿

近來能避千年穀
歸去非思一筋鱸
聊示維摩隱凡相
要教獅子致文殊

彭澤歸來我自安
壺中尤覺太虛寬
世間萬事都忘盡

尺有公盟不敢寒

遇流民有感一首

行盡江南處處山無錢歸去買山閒
自憐不在施為地空對流民數汗顏

過桃川萬壽宮二首

人共桃花事一空兔葵無數舞春風
傷心俯仰成今古知舉與劉郎事不同

甕子洞頭魂黯黯桃川山上目淒淒
自憐終久邯鄲步

不是重來舊路迷

題惠山泉一首

惠山泉似雪初消不數松江第四橋
解挹清泠洗氣稜
何時再有李文饒

上巳日青龍道中一首

身倦尋春事心懷結夏清
猶臨曲水序莫續麗人行
世態與吾異生涯何日成
殷勤猶相送江上五湖平

舍弟挽余為燈火計已而余出夜夢其以詩來感

事
豐
集
嘆賦一首

吳頭望楚尾兩處各窮愁萬事吾皆失
三冬汝自傷人
情千仞險春事九分休夢斷依然處
天涯一釣舟

金市大水一首

日氣方穿戶風潮忽及門
郊原雨脚密
牕牖浪花翻
船
係家家屋帆飛處處村
江南一羈客微命託乾坤

犇牛關遇使者議和一首

浩浩水千里層層限幾重
誰為此過
潁曲障爾朝宗浪

散忽成雪潭昏那見龍浮山何足論聖德務含容

題金山廟一首 并序

博陸侯驂乘宣帝背負芒刺李衛公行事宣宗
亦日近我者太尉耶每願毛鬚森豎俱不善終大
抵人臣功高非身之福余來雲間疑博陸之祠
在此問之邦人莫有知者三月二十一日夜半
小船一潮抵廟下乃知錢氏忠懿王嘗夢侯曰
我漢之霍某也王欲保此東南當為外護故廟

以祠之夫侯之英靈能庇他人之國不能保其
家豈用心廣大者寧身之不顧耶

事業生扶漢英靈死庇吳明知蓋世烈正速闔門誅日
月夷黃道乾坤衍赤符空令百世下歎息用心無

九日獨汎松江一首

松江牢落一舟歸中有人驚歲月違太一自期蓮葉是
白衣何恨菊花非水收四面郊原闊霜入千山草木稀

已分滄洲付吾道便應從此下魚磯

九日陪金市諸友登高陽山二首

窮途已負菊花期尚得諸公慰所思不道白衣持酒至
共將烏帽入風吹紫萸秋淡浮觴少黃葉山高策杖遲却
恨社中人闕一未將湯餅共追隨
讀書懷古恨難逢不謂斯時乃有公心自對談名利外
士知尊價品題中一樽此地論文樂三選何年結社同
待得塵蹤去留決別將消息寄東風

龍塘久別乘月再到奉呈同社一首

在姑蘇

龍塘疇昔擅雲煙破月重來倍爽然浮玉北堂三萬頃
扁舟西子二千年青山識面爭迎權白鷺知心不避船
華髮儵儵更何往一茅終在此橋邊

再用前韻一首

已無功業上凌烟且泛扁舟逐計然自喜茲游勝平日
不知今夕是何年橫空蝦蟇聊敲枕滿袖婵娟永共船
同社賢豪多載酒坐添清興浩無邊

姑蘇泛月一首

夜來誰共泛靈槎飛上牽牛織女家但覺滿身天雨露
絕無一點世塵沙秋將寒玉清風陣月借鎔銀潑浪花
投曉歸來互相告等閒休向俗人誇

九月六日汎舟航村而舟人不審誤抵道場之麓
越二日登馬因過何山漫賦

千巖矗空濛一水還葱蒨寺從馴虎立山作盤龍轉嗟
予十里來適此十年願初擘蓮葉舟誤逐桃花片重遺
九節筇上畫百結線陰崖滴翠寒竹韻含風戟樹色爭

義豐集
煙霏泓甃靡早暎載窺宰堵共平視蒼狗變樓閣撐山
光城郭瞰波面未覺髀肉酸先若銀海眩晚尋一溪曲
更得何山使平疇翠浪湧返照金色現回首笑月亭消
息真已薦

留別金市諸友一首

扁舟昔東下徒步却西歸久客幸無恙諸公皆可依途
窮須暫哭鳥倦不能飛他日相尋地江南一翠微

都昌泂檝點歛過春一首

忽忽年華換悠悠客路長
春聲先水響山氣欲花香
何補公家事空隨吏役忙
白雲知此意一片直都昌

陪諸公登廣福觀下望彭蠡一首

水遶一圍帶山橫八字眉
壯哉極目地慰此凭欄時
剡縣可乘興漾波真好竒
相逢休務日因得數言詩

題落星寺一首

島石是處有星辰曾實無莊嚴成淨土
怪誕出浮屠蜃氣樓穿海龍淮沙擁湖盡
除金碧像吾欲舍吾徒

傳舍中竹一首并序

都昌傳舍中竹具始數枝而已護之三年遂滿
一軒懼予既去為人所伐作詩示代者後人蓋

同年云

浪蕊浮花不足看歲寒獨與此君觀
籜龍滿野今千變
翔鳳何時下一殮日對吏文瀟洒在天生官地保全難
明年我亦江湖去尚祝同年乞鉤竿

除夕有感一首

不是功難立其如興自闌為貧沾寸祿漸喜得閒官天
下兵戈滿壺中日月寬殷勤除夜雪衰謝莫能歡

秋日寄舍弟一首

一從婚宦別家鄉又見西風雁作行臥念昔言乘欸段
夢尋新句得池塘猿驚鶴怨草三尺楚尾吳頭天一方
歸去兒童定相笑秋容已上鬢邊霜

九日途中有感一首

九日登高是故常只今何事負年芳紫萸欲佩憑誰繫

黃菊無人只自香
開拓愁邊須酒陣
包羅風景入詩囊
遙應親老持杯夜
看核橫陳畫燭光

湖南道中三首

失脚南來又兩年
故山猿鶴祇淒然
瀟湘不是無佳景
終覺壺中別有天

已分餘生老一丘
尚因微祿少遲留
夢魂不待山資足
先入江南問釣舟

萬壑千巖我一家
別來空自鎖烟霞
間雲不放行雲望

故向東南角上遮

登衡嶽三首

陣雲戰雨沸中原五嶽之中四嶽昏
節義衡山獨不辱
萬年千載戴明恩

白衣蒼狗飛揚盡翠嶽
蒼崖杖履間獨到上封雷雨處
退之元未識衡山

絕境當須着好詞
哀懷已覺不勝竒
煩君寄向仙家問
怕有彌明更解詩

題淡巖一首

浯溪已借元碑顯，愚谷還因柳序稱。
獨有淡巖人未識，故煩山谷到零陵。

雪竇瀑布一首

碧空無雨忽孱潺，此水何人激在山。
塔現玉光休石側，柱因冰凍瀝簷間。
長風浩蕩更相和，元氣淋漓挽不還。
欲究本來源出處，湘江誰借

試院二首

老催人去樂滄浪十幅輕帆便可張尚有選材五事在
夜深來此校文章

雨侵霜華冷作秋廣文官舍益窮愁夢魂却是知人意
偏到廬山脚下州

竹齋二首 并引

唐德明有竹軒訪予丐詩視其人有可壯者懼
其移于貧也作二絕以堅之

一圍寒綠鎖城闔中有茅簷更絕塵千戶封侯千畝是

可憐燕頷虎頭人

清陰翠色滿湘山
月下風前極目間
第一莫污兒女淚
失身嫌作杖頭班

見梅有感一首

十月瀟湘盡放梅
南枝仍避北枝開
客愁無奈春消息
腸斷江南驛使來

次德和韻寄談李二丈二首

心在淮山下
身行湘水中
喜拋餘子去
恨不故人同
舊



NATIONAL CENTRAL LIBRARY TAIWAN R.O.C

隱勞征夢浮名任化二衡陽春漸煖終欲伴歸鴻
喜脫諸公忌愁違李與談離群江以北弔影楚之南世
故更千萬心胸只二三果能容與我終共結茆庵

次韻葉教二首

但有形如槁元無貨可珍四方長逆旅一念即明神漫
仕緣將毋非才敢教人無功叨廩祿祇覺蠹吾民
汨汨誠甘分空空敢自珍樂雖思泮水愚恐累溪神怨
謗從餘子稱揚獨故人功名非我是自是葛天氏

次韵來梓見贈一首

無心穀壁陪蒲壁有分山光映水光子賤假令宜單父
淵明終合在柴桑為氓且盡今生力貴子寧須後代昌
為問故人緣底事不來同醉酒

薦福寺一首 并序

乾道初余領番易貢事實棘薦福寺以試堂下
巖柱盛開為護持之人淳熙八年再至為賦一

首

十七年間一夢迷重來渾不辨東西院中誰試前時客
莫莫堂前老木屏

普陀山觀音巖祈雨一首

南風不為雨躬即寶陀求地勢到此盡天河相接流鰲
升千丈背屨吐數層樓念彼觀音力楊枝洒有秋

陳彌高惠詩次韵言謝一首

南來日日訪人才始得清詩副所懷我計已成桴入海
君行初似橋踰淮十年旅夢思乘興千里征塵忽及堦

見說又為勲業去獨能無意侶洪崖

勸農題吉祥寺一首

傍石尋幽徑窮源得梵城潮聲四面合山色一團清農
合巡門勸僧煩倒屣迎明年吾更健來此伴中耕

劉致政家東岡池蓮甚盛昔常飲馬賦此叙別二

首

一枝曾吸碧筒杯萬丈潮頭忽見催斜倚闌干獨惆悵

明年應是不能來

廣中二首

黑金不肯化青金奉命來催膽水淋山骨舊疑天鑿透
溝流唯待雨來深丹無九轉如方士政有三官出上林
却謝黃茅除白髮為酬平日做僧心

南來風土已安之事已當還敢故違銅柱略無功可錄
玉闕空幸死前歸眼看餘劑憐猶在力僥征鞍覺漸微
此去上還官印緩却來傳授祖師衣

黃公灘一首并序

贛名三百里中有大小黃公灘與萬安縣對無
甚險惡坡公誤聽以為惶恐遂對喜歡慶元二
年十一月十四夜余宿灘下夢人素冠辨論叟
叟略記其旨似謂不願人畏余應之曰灘指石
爾水何與焉其有喜色意者黃公耶

水泝安流舟不難人心自畏石頭頑黃公誤聽作惶恐
玉局先生蓋謂灘

廬山太平宮一首 并序

某生長此山中往來紫元景曜之下謂非遊客
不當留題族子南震醮歸啟曰副宮老仙頗以
為言惟歐陽公者遊嵩山見石上蘚書神清之
洞而同來者不之見也公喜寄陸子履有醉翁
今已作仙翁之句某非其人也敬賦短章折衷
于真君云

貝闕岩堯不可攀遙分絳節下人間起元立道幾千歲
擇審棲神第一山膏雨應時豐綠野真風與世養紅顏

山前老叟非仙骨，悵望丹崖蘚篆班。

此集癸卯冬先嚴借抄于晚村家者，想晚村所藏亦非全集。吳集序云：南卿先生所為文，無一字無來歷處，則有文明矣。又云：省闈之策辭嚴而義正，偉策亦不卷首題云：義豐集卷第一中間俱不分卷。第恐詩亦不止此字，頗有訛脫，恨無元本校勘。壬戌修工重錄副墨，以待深沉好書者藏之。且冀有此全集者互假補完也。晉安黃瓚識。



義豐集



國家圖書館, NATIONAL CENTRAL LIBRARY, TAIWAN, R.O.C.

校對監生臣劉淇

檢討臣徐鑑

總校官編修臣吳裕德